

50  
1650  
HISTOIRE TRAGIQUE  
DE TROIS  
MAGISIENS  
QUI ONT ACCUSE A LA MORT  
MAZARIN.  
EN ITALIE.

Par le sieur H. R. DRAZOR, Champenois



A PARIS;  
Par FRANÇOIS MUSNIER, au mont saint  
Hilaire, pres le Pys Certain.  
M. DC. XLIX.



HISTOIRE TRAGIQUE

DE TROIS


MAGISTRENS

QUI ONT ACQUIES LA MORT

MARIN.

EN ITALIE.

Par le sieur A. N. D'AMBOISE, Chevalier.



A PARIS :

chez François Marin, au moulin d'Or.

En face, près le Puy Cressin.

M. DC. LXX.





# HISTOIRE TRAGIQUE

de trois Magisiens , qui ont  
accusé à la mort Mazain, en  
Italie.

**L'**Homme qui est Noble de sa naissance, veu qu'il est créé à l'Image de Dieu, qui est le Monarque & le Souverain de tous les animaux, qui à vne domination sur toutes les creatures qui luy sont inferieures & suiettes, il semble qu'il a dégradé volontairement de cette Noblesse, veu que malicieusement il quitte le Createur pour ce conuertir à la creature, & pour s'asuiettir à ses volonte. Il quitte les bonnes influences du Ciel, & les promesses qui luy sont faites de le posseder, pour suiure les maximes du Demon, & les artifices desquels il se sert pour obseder les cœurs, comme il se recognoist dans le triste narré que ie fais au public, qui est d'autant plus curieux qu'il luy fera voir trois Magiciens qui ont esté conuaincus, tant par tesmoins que par leur propre cōfession, d'auoir vsé de fortillage, & ars pour la perdition des biens de la terre, lesquels ont dit que Ma-



zarin, estoit dés long temps coupable de leur crime.

O sentine d'iniquité ! ô egout, d'où sortent toutes les ordures d'Enfer ! ô cloâque d'infection, & recepracle, d'où sortent toutes les plus fardides immondices, tu es bien malheureux de quitter Dieu pour te donner au Demon, de preferer le mal au bien, la maladie à la santé, le traistre, à la loyauté, la prison à la liberté, la partie au Tout, en vn mot l'Enfer au Paradis.

Ces trois que ie viens de coter estoient originaire de Cicile; lieu de la naissance de Mazarin. Le premier appellé Moleh, aagé de quarante ans, & les deux autres trente & trente cinq, plusieurs années s'escoulerent dans les dissolutions, & n'ayans pas la crainte de Dieu deuant les yeux, ils s'adonnoient à leurs entretiens oculte & autres brutalitéz, il prodiguerent, ce que le destin leur auoit departy, & estant de la sorte, sous la seruitude & esclauage du peche, ils n'en demurerent pas là: car le Demon tousiours surueillant les fit essuier toutes sortes de vices: Bref ils deuindrent si meschans, qu'ils estoient la malediction du peuple, & leur plus grande passion estoit le sang & le carnage, vols & brigandages, le Demon ennemy du Genre humain, ce fit faire par ces trois abominables des sacrifices dans ses sabbats.

Le sang ce congele dans les veines, les cheueux ce herissent à ma teste, & mon cœur pantelle, & ne peut respirer à la veuë d'un si funeste proiet, faut-il qu'une creature qui a esté rachetée par le sãg precieux



5

de l'Agneau sans macule, & auquel seul, toutes adorations & sacrifices sont deus, qu'elle se laisse tomber sous les pieges du Demon, qui ne promet à ses Sectateurs qu'une fin tragique & honteuse, suivie d'une eternité de peine.

Ce Demon astucieux & rusé enchantâ leurs cœurs si épouvêtablement que la volonté de l'un, n'estoit que celle de l'autre, & partant leur vomissement, leur malice, & leurs pancartes les plus noires estoient v-nanimes, de sorte que ce n'estoit qu'un Cerbere, & trois gosiers cét ennemy infernal leur faisoit rendre des honneurs à des facullages, & des veneratiōs aux Elemens & aux Planettes, & n'y a Sacrileges, n'y profanations qu'ils n'ayent commis, le tout suivy d'effusion de sang innocent, qu'ils sacrifioient à leur vengeance. Pour punition dequoy, Dieu permit qu'ils tombèrent entre les mains de la Justice à Thenedy, & estans par elles interrogé; ils denierent à plate couture les crimes à eux imposez, mais les tesmoins l'emporterent & les forcerent à confesser leur malefice leurs adherans & complices, au nombre desquels ce trouva Mazarin, asséurerent à la mort qu'il avoit assisté avec eux à leurs ceremonies diaboliques, & que le Demon luy avoit accordé paraphé beaucoup de choses artificielle, d'inventiō & d'artifice, qu'ils avoient faict ensemble un serment solemnel deuant le bouc infernal de ne s'accuser l'un l'autre, estans d'un mesme lieu, & sembler que des lors qu'ils eurent fait pacte, & fait union de volonte, qu'ils avoient consultez les fu-



ries d'Enfer, pour perdre les vns gaigner les autres, & establir leur fortune au debris de celle des autres, & que ce noeud d'amitié deuoit estre aussi indissoluble, que celui de Gordian.

Ie ne puis m'empescher icy de mescrier avec Dauid, *Iustus eo Domine & recta sunt iudicia tua*, ô grand Dieu vos iugemens sont impenetrables. Vous estes iustes, & partant vous confondez les pecheurs, & l'enormité de leurs crimes ayant esté contracté clandestinement, & à la faueur de la nuit vous les manifestez à la veüe de tout le monde avec des supplices temporels, en attendant les éternels, il faut confesser grand Dieu que vostre excellence, puissances, Maiesté & gloire, ne ce peuuent exprimer par vne langues ny humaine ny Angelique, benist soit vostre nom a iamais puis que vous faictes esclater vostre iustice sur des malheureuses creatures qui doiuent estre à iamais l'obiet de vostre vengeance, pour l'expiation des crimes si espouuentables, qu'ils ne peuuent estre regrettez qu'avec larmes de sang.

Ce climat funeste d'Italie est maintenant autant odieux & repugnable à la société, qu'autrefois il a esté recommandable à produire des hommes heroïques, maintenant il semble que les plus genereux n'ont occupation plus glorieuse, que celle de tyrannie, d'vsurpation, impieté, blasphemés & brigandage suivis de magie, forcellerie, deuinement & sortilege, comme ie recognoist en cette Histoire tragique que ie produict au Thea-



tre vniuersel du monde pour faire voir à la posterité, la corruption des mœurs qui doit d'autant plus seruir d'exemple que le mal que ces furibonds ont faict a esté grand & vniuersel.

Pour reparation duquel eux condamnez faire amende honorable, puis le poin coupé, menez au lieu patibulaire, & la sulphurez & attachez a vn poteau & bruler vif, leur cendre iettées au vent, voila la iuste recompense des mechans que de venir honteusement leur vie à la veuë du Ciel & de la terre; leurs corps est trop puant pour estre laceré par les chiens & pour estre deuoré par les Corbeaux, il n'y a que le feu qui en puisse faire sa curée; & l'air qui puisse mondifier les cendres au siecle doré, tous vïuoient en paix, chacun auoit soin d'emonder les arbres & cultiuer ces terres, chacun tailloit ses fruiçts & vendangeoit ces vignes & nourrissoit ses enfans. O malice humaine ô maudit traistre & maudit, le soc est conuertis en arme, les Bœufs en Cheuaux, les éguillons en lances, les foïets en sagettes, les hocquets en maille, les frondes en arbalestes, la simplicité, la malice le repos en peine, la paix en guerre, l'amour en haine, la charité en cruauté, la iustice en tyrannie, l'aumône en larcin, la pieté au sacrilege comme il ce voit dans cette épouuentable Histoire, aussi telle vie telle fin, & si la mort des gens de bien est precieuse, aussi celle des mechans est tres honteuses & infame qui ne laisse que de la confusion à la posterité.



